



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronicon Cisterciensis Ordinis

Le Mire, Aubert

Coloniae Agrippinae, 1614

De Monialibus Cisterciensibus.

urn:nbn:de:hbz:466:1-11259

tatis mensuram excedentes, alij in orationibus & psalmodijs, & laudibus diuinis tanquam à Domino consecuti sunt gratiam & deuotionis suauitatem, muscas morientes, & importunas cogitationes à se penitus abigentes, quod in fine nocturni & matutini officij, sicut adipe & pinguedine vsque ad summum repleti, vellent si esset possibile tēpore nocturno reuertente, rursus iteratum officium inchoare. Vidimus *fratrem quendam mirabilem* à Domino gratiam consecutū: dum enim aliquis peccata sua confiteri noluisse, Deus illi peccata, quæ non erant per confessionem detecta, reuelabat, vt ad confitendum induceret peccatores.

Ecc. 10.

Per fratrem quendam mirabilem Vitriacum intelligit B. Simonem Alnensem, qui an. 1229. obiit. Exstat vitæ eius Atrehabi an. 1600. per Franciscam Moschum edita.

DE MONIALIBVS CISTER- tensibus.

*Vitriaci
testima-
nium de
monialib.
Cistert.*

A Principio autem ordinis feminarum sexus fragilior ad tantæ districtiōnis seueritatem & perfectionis cacumen aspirare non audebat. Nam & viris fortioribus nisi eos Deus confortaret, tantum pondus valdè graue & pœnè intolerabile videbatur. Postea verò deuotæ Deo virgines & sanctæ mulieres feruore spiritus & desiderio foemineum

neum animum exuentes, euadentes mundi naufragium, ad tranquillum Cisterciensis ordinis portum assumpto regulariter habitu transierunt. Alijs enim monialium congregationibus, propter nimiam vitæ dissolutionem, securè sese committere non audebant. Ad tantam enim corruptionem & defectum claustrales mulieres ubique ferè deuenierant, quod ad eas tutum refugium non habebant. Quantum enim periculosum sit & difficile inter impudicas castitatem conseruare, nemo dubitat, qui talium mulierum mille artes & maleficia non ignorat. Sed & passim & publicè pro miserabili monasteriorum ingressu pecuniam exigebant, allegantes suam paupertatem & de simoniæ crimine pessimo non curantes, domum orationis in forum negotiationis conuertebant. Sed & proprium omnes ferè retinere non timebant, cum Anania & Saphyra à Domino reprobata.

Postquàm autem *Pramonstratensis* ordinis viri timorati & religiosi, sapienter attendentes, & familiari exemplo experti, quàm graue sit & periculosum ipsos custodes custodire, in domibus ordinis fœminas iam de cætero non recipere decreuerunt: multiplicata est sicut stellæ cœli, & excreuit in immensum Cisterciensis ordinis religio

Gen. 1.

sanctimonialium, benedicente Domino & dicente eis; *Crescite & multiplicamini, & implete domum.* Fundabantur cœnobia, ædificabantur monasteria, replebantur claustra, cōfluebant virgines, currebant viduę & mulieres coniugatæ de consensu maritorū suorum carnale matrimonium in spirituale cōmutabant. Ex alijs monasterijs moniales, mutato habitu, ad fructum melioris vitæ, & arctioris viæ aduolabant. Matronæ nobiles & potentes in sæculo, relictis hæreditatibus terrenis, & immensis potestatibus præelige-

Psal. 83.

bant abiectæ esse in domo Domini, magis quàm habitare in tabernaculis peccatorum. Illustris profapiæ virgines oblata matrimonia contemnentes, relictis ingenuis parentibus, & blandientis sæculi delicijs, proiectis ornamentis & vestibus pretiosis, Christo sponso virginum iungebantur paupertate & humilitate; & vitæ durioris asperitate Domino deuotissimè seruientes, temporales diuitias & fallaces delicias pro spiritualibus sapienter permutantes. Vt enim de alijs huius ordinis monasterijs & congregationibus sanctimonialium, quæ in locis alijs passim ædificabantur, taceamus; in vna diœcesis Leodiensis regione, septem huius ordinis & professionis Abbatias monialium in tempore modico fundari & construi vidimus, & sanctis monialibus tanquam lilijs & violis ex-

In diœcesi
Leodicēsi
7. Abbatie monialium
citra
Fler: sunt
ædificata, temporibus
Viriaci.

ornari.

ornari. Adeò autem sanctis & deuotis Vir-
ginibus abundat prædicta Deo amabilis pro-
uincia, tanquam hortus liliorum & paradi-
sus deliciarum, quod pro certo credimus, &
in veritate comperimus, si triplo plures ef-
sent in partibus illis, huiusmodi nõ deessent
lilia, sed prompto animo, & ardenti deside- *Eccel. 24.*
rio in holocaustum pinguedinis & odorem
suauitatis sese offerrent piè & deuotæ virgi-
nes Domino, regnum mundi & omnem or-
natum eius contemnentem, propter amorem
Domini nostri I E S V Christi, vt tranquilla
deuotione Domino seruietes, sæculi per-
euntis euadentes incendia ad tabernaculum
fœderis confugerent, vt esset eis, secundùm
Isaiæ verbum, in vmbraculum diei ab æstu,
& in securitatem & abscõsionem à turbine &
à pluuia. Non solùm autem in partibus Oc- *Monialit̃*
cidentis, sed in Orientalibus prouincijs, in *cœnobis*
in Oriẽte.
Constantinopoli & Cypro, & Antiochia & Tripoli
& *Acon*, nouis eiusdem ordinis constructis
fœminarum monasterijs, prædicta Domini
vinea propagines benedictionis extendit.

DE MONACHIS VALLIS COL-
lium, alijs Caulium.

SUNT alij fratres in Episcopatu Lingo- *Ex Vi-*
nensi, monachi Deo amabiles & valdè *triacò cap.*
religiosi, qui de *Valle Callium* nominan- *17. histor.*
tur. Hi *Cistertiensis* Ordinis instituta victu & *0. cid.*
vesti-

Q S

vesti-